

Na osnovu člana 29. stav 1. Zakona o ustanovama ("Službeni list RBiH", br. 6/92, 8/93 i 13/94), članova 7. i 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 27 Pravilnika Javne ustanove „Kulturno sportski i rekreacioni centar“ Hadžići i Odluke Upravnog odbora o pokretanju postupka za izbor i imenovanje direktora Javne ustanove „Kulturno sportski i rekreacioni centar“ Hadžići broj:56-02-03/24, od 22.03.2024. godine, Upravni odbor objavljuje

JAVNI KONKURS
za izbor i imenovanje direktora Javne ustanove
„Kulturno sportski i rekreacioni centar“ Hadžići

I - NAZIV POZICIJE I BROJ IZVRŠILACA

Direktor Javne ustanove „Kulturno sportski i rekreacioni centar“ Hadžići

Broj izvršilaca jedan (1)

II - OPIS POZICIJE

Opis poslova direktora Javne ustanove:

Organizuje i rukovodi radom ustanove, zastupa i predstavlja Ustanovu prema trećim licima i odgovoran je za zakonitost rada Ustanove, predlaže Upravnom odboru mjere za efikasno i zakonito obavljanje djelatnosti radi kojih je Ustanova osnovana, unutrašnju organizaciju i sistematizaciju poslova i osnove planova rada i razvoja, izvršava odluke Upravnog odbora, predlaže organizaciju Ustanove, odlučuje o pravima, obavezama i odgovornostima radnika iz radnog odnosa, podnosi Upravnom odboru izvještaj o radu i finansijskom poslovanju Ustanove, odlučuje o disciplinskoj i materijalnoj odgovornosti radnika Ustanove, te vrši i druge poslove u skladu sa zakonom i pravilima ustanove.

III - USLOVI JAVNOG KONKURSA

Kandidat koji se prijavljuje na Javni konkurs za izbor i imenovanje direktora trebaju da ispunjavaju opće i posebne uslove:

a) Opći uslovi

- a. da je državljanin Bosne i Hercegovine,
- b. da je stariji od 18 godina,
- c. da je zdravstveno sposoban za obavljanje poslova za koja se prijavljuje,
- d. da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana objave upražnjene pozicije,
- e. da nije obuhvaćen odredbama člana IX. 1. Ustava Bosne i Hercegovine,
- f. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH (Službene novine F BiH br 12/03),
- g. da nije član organa zakonodavstva, izvršne ili sudske vlasti ili savjetnik u smislu Zakona o sukobu interesa (Sl.glasnik BiH broj 16/02),
- h. da nema privatni finansijski interes u instituciji u kojoj se kandiduje,
- i. da nije lica kojem je pravosnažnom presudom suda zabranjeno obavljanje aktivnosti u nadležnosti institucije u kojoj se kandiduje,

b) Posebni uslovi

- a) da ima visoku stručnu spremu VII stepen društvenog smjera ili završen drugi ili treći ciklus bolonjskog sistema studiranja,
- b) da ima najmanje 5 (pet) godina radnog iskustva sa visokom stručnom spremom, od čega najmanje 3 (tri) godine na rukovodećim radnim mjestima,
- c) da se ističe organizacionim sposobnostima i društvenim radom

IV - SADRŽAJ PRIJAVE

Kandidat koji se prijavljuje na Javni konkurs treba dostaviti dokaze o ispunjavanju traženih uslova u originalu ili ovjerenoj kopiji i to:

- a) potpisanu prijavu na konkurs,
- b) biografiju,
- c) diplomu o završenom fakultetu,
- d) uvjerenje o državljanstvu (ne starije od šest mjeseci),
- e) izvod iz matične knjige rođenih,
- f) potvrdu ili uvjerenje o radnom iskustvu,
- g) uvjerenje da se protiv kandidata ne vodi krivični postupak (ne starije od tri mjeseca),
- h) ovjerenu izjavu od nadležnog organa da nije otpušten iz državne službe kao rezultat disciplinske mjere,
- i) ovjerenu izjavu od nadležnog organa da nije pod optužnicom Međunarodnog suda za ratne zločine u bivšoj Jugoslaviji,
- j) ovjerenu izjavu od nadležnog organa da nije na funkciji u političkoj stranci,
- k) ovjerenu izjavu od nadležnog organa da nije izabrani zvaničnik, nosilac izvršne funkcije ili savjetnik,
- l) ovjerenu izjavu od nadležnog organa da kandidat nije predsjednik ili član upravnog ili nadzornog odbora bilo koje ustanove nezavisno od oblasti za koju je ustanova osnovana, a koja djeluje u Bosni i Hercegovini (Ukoliko je kandidat predsjednik ili član upravnog ili nadzornog odbora bilo koje ustanove nezavisno od oblasti za koju je ustanova osnovana priložit će ovjerenu izjavu da će u slučaju imenovanja za direktora ustanove sa danom imenovanja podnijeti ostavku i odstupiti sa navedenih pozicija),
- m) ovjerenu izjavu da nema privatni finansijski interes u instituciji u kojoj se kandiduje,

Imenovani kandidat će biti dužan dostaviti ljekarsko uvjerenje o zdravstvenoj sposobnosti prije preuzimanja dužnosti direktora.

V - INTERVJU

Kandidati koji dostave blagovremenu i potpunu dokumentaciju biće pozvani na intervju.

VI - ZASNIVANJE RADNOG ODNOSA

Direktor Javne ustanove „Kulturno sportski i rekreacioni centar“ Hadžići imenuje se na mandatni period od četiri godine.

VI - NAČIN OBJAVLJIVANJA JAVNOG KONKURSA

Konkurs će se objaviti u dnevnom listu "Oslobođenje", "Službenim novinama FBiH", Web stranici Općine Hadžići i Web stranici Javne ustanove „Kulturno sportski i rekreacioni centar“ Hadžići

VII - ROK ZA PREDAJU PRIJAVA NA JAVNI KONKURS

Konkurs ostaje otvoren petnaest (15) dana od dana posljednjeg objavljivanja.

VIII - NEPOTPUNOST I NEBLAGOVREMENOST

Nepotpune i neblagovremene prijave neće biti uzete u razmatranje.

IX - ADRESA I NAČIN DOSTAVLJANJA PRIJAVA

Prijave sa traženim dokumentima dostavljaju se putem preporučene pošte u zatvorenoj koverti na adresu, JU KSIRC Hadžići, ulica „6. mart“ br. 21, 71240 Hadžići sa naznakom "Prijava na Javni konkurs za imenovanje direktora – NE OTVARATI"

X - NAČIN I ROK OBAVJEŠTAVANJA

O rezultatima javnog konkursa kandidati će biti pismeno obaviješteni u roku od 8 (osam) dana od dana donošenja Odluke o imenovanju direktora.

Upravni odbor
Javne ustanove „KSIRC“ Hadžići

Dostavljeno:

1. Dnevni list "Oslobođenje",
2. Službene novine Federacije Bosne i Hercegovine,
3. Komisija za provođenje oglasa x5,
4. Stručni savjetnik za informisanje i odnose s javnošću općine Hadžići,
5. Služba za opću upravu, društvene djelatnosti i zajedničke poslove,
6. a/a.-